

دارالْفُنُونُ

ادبیات و فلسفہ و تاریخ و جغرافیہ و ادبیات

فلسفہ ، اجتماعیات ، تاریخ ، جغرافیہ ، ادبیات

ایکی آبدہ بر نشر اولنور

مندرجات :

- سکزنجی عصرده عراق تورکجه سی [نجیب عاصم]
- اجتماعیات : معاصر حیات و بویوک آداملر [محمد عزت]
- فاتح سلطان محمدک فرمانلری [احمد رفیق]
- اسکی تورکستان خلق ادبیاتی [کوپرلی زاده احمد جمال]
- استانبولی ایلک محاصره ایدن تورکلر [یوسف بہجت]
- ایکی اثر فلسفہ سی مناسبتیلہ [محمد امین]

استانبولی ایلك محاصره ایدن تورکلر

استانبول محاصره لری موضوع بحث اولونجه ایلك خاطره کلنر عثمانلی تورکلرینه
عائد اولانلردر . حالبوکه عثمانلی تورکلری هنوز بیزانس ایمپراطورلغنگ بولوندیغی جدال
صحنه سنه آتیلمه دن چوق زمان اول شرقی روما ایمپراطورلغی پایتختی اولان استانبول بر چوق
دفعه لر محاصره ایدلمش بک جدی هجوملره معروض قالمشدی . حتی بیزانس ایمپراطورلغی پایتختی
- فی الواقع عدم موفقیتله - ایلك دفعه جدی صورتده محاصره ایدن تورک اولان آوارلردر .
آوارلر آلتنجی عصر دن طقوزنجی به قدر متعدد استیلالریله آوروپاده شهرت قازانمشلردی .
آلتنجی عصر اورتله رینه قدر بحر حزر ساحلارنده اقامت ایدرلردی . اورادن آزاق دآزینه
دوغری ایلریله مشلر وبعده خاقانلری بایانک تحت قومانداسنده مهزیا وداچیا به وبالا خره
مجارستان ، بوهمیا وحتی تورینسکن ایالتنه قدر داخل اولمشلردی . طونه حوضه سنده اوطوران
بر چوق اسلاولر آوارلره تابع اولمشلردی . ایمپراطور ماوریحیوس زماننده بیزانس بونلره
ویرکو تأدییه ایتک مجبوریتنده قالمشدی . آوارلر (۶۰۰) تاریخنده عقد اولنان بر معاهده
موجبجه بردها طونه بی کچمه مکی بیزانسلیلره قارشو تههد ایتمشلردی .
آوارلر بالقان یاریم آداسنه داخل اولدقدنصکره بک جدالجو اولان سجیه لرینه رغماً
اون بش یکر می سنه عاقل دورمشلردی . بونکده سببی بکدیگرنی ولی ایدن بر طاقم
هزیمتلك آوارلری ایجه ضعیف دوشورمش بولونمسیدی . بوضایعات اودرجه بیوک اولمشدی که
بک محارب اولان آوارلر تکرار حربه آتیله بیلیمک ایچون یکی بر نسلک یتیشمه سنه انتظار
مجبوریتنده قالمشلردی . بیزانس ایمپراطورلغی ایله آره لرنده بر معاهده صلحیه منقده دکادی .
بوکا رغماً ایمپراطور فوقاسک بتون وبالا خره ایراقلیوسک ایلك سکز سنه لک دور سلطنتنده
روملره قارشو هیچ بر حر کتده بولونمه مشلردی . ایمپراطور ایراقلیوس ایرانیلره قارشو سفر
ایتمک تصورنده بولونمسی اوزرینه ، بالقانلرده علیهنده ترتیبات یاپیلمه مسی اسبابی آراددی . آوار
خاقاننه سفیرلر کوندره رک غایت قیمتلی هدیه لر ارسال ایتدی . ایمپراطور ایراقلیوس اوتهدنبری
بیزانس سیاستنگ تمقیب ایتدیکی اصوله تبعیت ایدرک اوزمان دنیانک هر طرفده فوق العاده

مرغوب بیزانسک ایپکلی قوماشلرینی، هر نوع مزیمات و مجوهراتی مبدولاً تقدیم ایتمشدی. خاقانی بو صورتله قاندره جغنی ایران سفریله مشغول اولورکن بالقانلرده روم سلطنتی ایچون موجب تهلیکه بر وضعیت احداث ایدلمسینه مانع اولاجغنی دوشونمشدی. سفیرلر ایکی ملت آرسنده دواملی بر صلح تأییسنه مأمور ایدلمشردی (۶۱۸).

خاقان غایت تورنازجه بر مقابلهده بولونمشدر. خاقان بایان سنه لردنبری روملره قارشو تعقیب ایتدیکی سیاستله دوستلغنی اثبات ایلدیکنی بو دوستلغنی توثیق مقصدیه بالذات ایمپراطور ایله مذاکره کیریشمک آرزو ایتدیکنی سویلدی.

ایکی حکمدار آرسنده کی تاریخی ملاقاته موعده اولمق اوزره مرمره ارکلیسی (Héraclée) انتخاب اولونمشدی. بو مناسبتله ایمپراطور، بیزانسک بو کی زمانلرده تعقیب ایتدیکی طرز سیاستی اهل ایتدی. روملر، باربار تلقی ایتدکلی ااقوامک رؤسائی پک محشم و مدبدپ مراسمله قارشولارلر، اونلرک کوزلرینی قاماشدیرمق صورتیه اجرای تأثیر ایتمکه جالیشرلردی. ایراقلیوس فوق العاده مراسم یاییلمسینی امر ایتدی؛ بیزانسک قوت و ثروتی یوکسک کوسترمک مقصدیه ترتیباندن هیچ بر نقطه اهل ایدلمدی. استانبولدن اک کزیده قطعات عسکریه، اک محشم مزینات اک پارلاق اشیا ارکلییه نقل ایدلدی. حتی ایراقلیوس برده تیاترو اویناتمق اوزره بتون لوازمیه بر هیئت ارکلییه کوندرمکی بیله اونوتمدی. خاقان و معیتته ویرمک اوزره بر چوق کوزل و قیمتلی قوماشلری والیسه لری بالذات یاننده کوتوردی. ایراقلیوس استانبولدن عزیمت ایتدکنصکره اوچ کون سیلیوری (Selymbria) ده قالدی. بو اثناده بایان موعده ملاقاته یاقلاشیوردی، معیتی پک غلبه لقدی عسکرلری آرسندن سچدیکی اک منتخب و امین بر طاقم افرادی باشقه یوللردن ارکلی اوزرینه یورومکه واوراده آنسزین بر باصقین یاپارق ایمپراطوری معیتله برابر اسیر ایتمکه مأمور ایتمشدی. بویله بر باصقین تشبثک اوزون مدت حس ایدلمه سی وبالخاصه موفقیتله نتیجه لنسی احتمالی ضعیفدی. فی الواقع ایراقلیوس بو حرکاتدن خبردار اولمقده کجیکمدی. ایمپراطور بو ترتیبانی استخبار ایتدیکی زمان او قدر چوق قورقشدی که نه یاپه جغنی شاشیردی. لباس فر فریسنی، سائر حکمدارلق علامتلرینی ترک ایدرک تبدیل قیافت ایتمش علی العاده بر عسکر اثوابی کینه رک معیتی ایله برابر سیر سریع ایله استانبوله التجا ایتمشدر.

خاقان ترتیباتک میدانہ چیقدیغنی او کرندیکی زمان نومید اولمدی ؛ ایمپراطوری کمال شدتله تعقیب و تصدیقه دوام ایتدی . آوار سواریلری ایکی حکمداری تماشایتمک اوزره تراکیامک هر طرفندن یوللره طوپلانمش اولان اھالی بی یارہ رق ایلرلایلر ؛ سیلیوریدن استانبولہ قدر اولان یرلرہ تصادف ایتدکلری برچوق ذیقیمت ونادر اشیایی اغتنام ایتدیلر ؛ استانبول سورلری پیشکاهنہ واصل اولارق بیدی قولہ حوالیسندن خلیج کنارلرینہ قدر شہرک قرہ حدودنی چویردیلر هر نوعدن پک کلیتی غنائم طوپلادیلر . بیزانسلیلرک سرعت ممکنہ ایله قاجلرینہ رغماً ، ایمپراطورک معیتنہ منسوب بر چوق کیمسہلر ، ہدیہ ایدلمک اوزره کوتوریلن ذیقیمت لباہلر ، تماشایلوازمی ، وسائط مناقلہ آوارلرک ائنه دوشدی آوارلر برقاچ کون صکرہ غنائم و ۲۷۰ بیگ کشیلک بر اسیر قافلہ سیلہ شہر دن اوزاقلاشدیلر .

شرقی روما ایمپراطورلغی بو حقارتہ قارشو هیچ بر تشبثہ بولنہمدی . ایراقلیوس آوارلرلہ اوغراشہ میہ جغنی آ کلامشدی ؛ آوارلری تادیبہ تشبث ایدہمدی ؛ متذللانہ بر اصولہ مراجعت ایدہرک یکیدن بر ہیئت سفارت کوندردی . مذاکراتہ کیریشمک ایستدی . خاقان ایمپراطورک مراجعتنہ قارشو زبونکشانہ داورانمدی ، صلح عقد ایتمکہ رضا کوستردی .

ایراقلیوس آوارلرلہ صلح عقد ایتمکہ موفقی اولدقدن صوکر بالقانلرہ بیزانس دولتنی تہدید ایدن بروضعیت قانندیغنی ظن ایتدی . ایرانیلرہ قارشو حربہ کیریشمکدہ محذور کورمدی . پایتختدہ نائب سلطنت اولارق براقدیغنی اوغلی قونستانتک هنوز اون یاشندہ اولدیغنی نظر دقتہ آلاق امور جاریہ نک تدویرینہ بطریق سرکیوس ایله پاتریچیوس بونوسی مأمور ایتدی . سفرہ چیقمہدن آوار خاقانہ بر مکتوب یازدی حسیات دوستانہ سندن اوزون اوزادی یہ بحث ایتدی ؛ اولجہ عقد ایدیلن اتفاق معاہدہ نامہ سنہ رعایت ایلمسنی وخاقاندن کندینی کنج ایمپراطورک پدر وصیسی تلقی ایتسنی رجا ایلدی ؛ بوندان ماعدا آوار حکمدارینہ ایکیوز بیگ آلتون تادیبہ ایتمکی تعہد ایتدی ؛ تعہداتنہ مقابل رہینہ اولوق اوزره یکینی استفانوس ، ولد غیر مشروعی آتالاریک Athalaric و پاتریچیوس بونوسک ینہ غیر مشروع ولدی یوآنیسی خاقان نزدینہ کوندردی . بونلر اونبر سنہ آوارلرک ائندہ رہینہ اولارق قالدیلر . بومدت

ظرفنده خاقان استانبولی محاصره ایدرک اتفاق فسخ ایتشدی. لیکن بورهینه لرینه موقوف طوتلدی، نهایت ۶۳۴ تاریخنده بک کلیتی مبالغ تأدیسه سی سایه سنده رهینه لرک کری یه جایی آنجق قابل اولاییلمشدر .

ایراقلیوس آنادولیده ایرانیلره قارشو اوزون سفرلرده بولنیوردی. حتی بعض مهم موفقیتلربیله قازانمشدی. آنجق ایرانیلره صرف بیزاس قوتلریله قطعی برضربه ایندیرمه نیک قابل اولامیه جغنی آ کلامشدی. بواعتبارله ایرانیلری دهازیاذه صیقیشدیره رق ایمپراطورلق طوبراقلرینی تمام آنخلیه یه مجبور قیلیمق ایچون برباشقه چاره یه توسل ایتدی. شرق ایشلرینه هنوز مداخله ایتکه باشلامش وقوتلی برکتله تأثیرینی اظهار ایتمش اولان حزرلرله آ کلاشمغه تشبث ایتمشدر. لیکن شرقده ایراقلیوس یکی متفقلر قازانمغه، چالیشیرکن غربده کی متفق آوارلرله ایرانیلر آ کلاشمق اوزره بولنیوردی .

ایرانیلر ایراقلیوسک وضعیتینی مشکل قیلیمق مقصدیه مرخصلر کوندرمشلر آوار خاقانی بلغار واسقلاوونلرکده معاونتلرینی تأمین ایدرک ایمپراطورلق پایتختنه هجوم ایتکه تشویق ایتمشدری. بونک نتیجه سی اولارق روم ایمپراطورلغنده شویله بروضعیت حادث اولمشدی: ایمپراطور ایراقلیوس ضعیف براردو ایله ایران اردولرینه قارشو ارمنستان وقعه، سیا ایالتلرینی مدافعه یه چالیشیوردی. دیگر جهتدن ایران حکمداری خسروک براردوسی آنادولی بی باشدن باشه قطع ایدرک خالکه دونیا - بوکونکی قاضی کوی - شهرینی محاصره ایدیوردی. قره دکز بوغازی بو قوتک روم ایلی یه کچمسنه مانع اولان یکانه عارضه ایدی. بو عجم اردوسی ایرانک اک مشهور سردارلرندن شهر بارازک تحت قومندانسنده ایدی .

ایشته بویله تهلیکه لی برزمانده ها وخیم برخبر استانبول حکمرمتنی بوسبتون قور قوتلدی. برقاچ سنه اول شهری تهدید ایدن آوارلرک استانبوله هجوم ایتک اوزره تکرار بیزانس یولنی طوتدقلری ایشیدلدی. آوار خاقانی دساس بیزانسایلره قارشو بودفعه ایرانیلرله مشترکاً حرکت ایدیور و فطعی برضربه ایندیرمکی دوشونیوردی. اوزمانه قدر لونغو بار، که پید، بلغار، فرانق و اسلاولری مغلوب ایدن هنوز خیمه نشین آوارلر بتون شرقی

قورقودن تترتمشلردی . نفوذلری طونه ساحلارندن تاتیجا صوبی و االبه نهرینک یوقاری
قسمنه قدر جاری ایدی .

دنیا نك اك بيوك ثروته مالك اولديغی اوزمان مشهور عالم استانبولی الده ایتك ،
امثالسیز ذی قیمت اشیایی اغتنام ایلك وعینی زمانده طقوز سنه اولکی انتقامی آلمق خاقانك
اك حرارتلی آرزوسیدی . ایراقلیوس قاوقاسیا حدودنده بولنیوردی . استانبول ، بطریق
سرکیوس و احتیاط قعطاتی قوماندانی بونوسك اداره سنه مودوعدی . هرایکیسی ده
جسور ، بویله مشكل بروضعیتك اقتضا ایتدیره جکی متانت وقوته مالك کیمسه لردی .

تراکیادن استانبول جوارینه اینن بو جسم اردونك منظره سی پك شایان دقت ومهیب
ایدی ، بوتون بولاردن آقین آقین آوار قطعاتی کلیوردی . او تاریخه قدر استانبول
هنوز جدی بر محاصره تجربه سی کچیره مشدی . قونستانن دورندن بری او چ عصر کچدیکی
حاله استانبول ایلك دفعه اولمق اوزره بویله بر محاصره امتحاننه معروض قالا جقدی .

بیزانسلیلر تا ادرنه یه قدر سفیرلر کونده رده خاقانی یوموشاتمغه غیرت ایتمشلردی .
لکن آوار سرداری : « حضورمدن دفع اول ، ایسترسه ک کیت همشهریلرینه التحاق
ایت » دییه جواب ویرمش وبونلری قوو مشدی . طقوز سنه اول شاقیردییسی بیزانسلیلری
اودرجه قورقوتان قامچیسینی شاقلاته رق شوسوزلری ده علاوه ایتمشدی : « بتون ماللر کزی ،
ذیقیمت اشیای کزی بکا ویرمدیک کز تقدیرده استانبولی خراب ایده جکم وهپکزی اسیر
آلاجغم ، بونی اینی بیایکز » . آوار اردوسی که پید ، روس ، بلغار اسقلاوون برچوق
عناصر سائر نك التحاقیله مقاومتته تصادف ایتمکسزین سرعتله ایلرله مشدی .

استانبول جوارنده کی روملر سورلرک داخلنه التجا ایتمشلردی . کمال اندیشه ایله وقوطانك
انکشافنه انتظار ایدیورلردی . بیزانس وقعه نویس لر نجه موجودی سکسان بیك قدر تخمین
اولنان آوارلر کاغذخانه دن مرمره ساحلنه قدر امتداد ایدن صرتلری اشغال ایتمشلردی .
اوتوده بریده طوتوشدیردقلری روم کویلرینک آتشی بیزانسلیلرک قورقوسنی تزید ایدیوردی .
قارشو طرفده ایسه ایران سرداری بوغازی کچمک ایچون تدارکاته کیریشمشدی . بر بیزانس
وقعه نویسی بوغریب اولدیغی قدر مشكل حربدن بحث ایدرکن دییورکه :
« اسلاولرله هونلر برابر دی ؛ اسکیتنه (آوار) بلغار رفاقت ایدیوردی . ایرانی ایسه

بتون بونلرك سلاح آرقداشی اولمشدی . « ۲۹ حزيران ۶۲۶ تاریخنده ایلك پیشدار قوت سور جوارینه واصل اولدی .

بتون برکون خاقان هیچ برتکلیفده بولونمه مش هیچ اثر حرکت کوستر مه مش سکون و سکوتی محافظه ایتشدرد . بوحال روملری بوسبتون قرار سزلفه سوق ایدیور ودها زیاده قور قوتیوردی . خاقان غیر منتظم طابورلرینک تشکیلاتی اتمامه چالیشیوردی . آوارلرک باشلیجه سلاحنی آغیر قیلیجلری تشکیل ایدیوردی . محاصر قوتلرک فعالیتی سور بوینه منحصر قاله مشدی؛ خلیجک منتهاسنده سیداریس Cydaris (کاغذخانه) دره سنک منصبنده و غلبه لاق سن ماما (ایوب) محله سی جوارنده بیوک آغاچلرک کوودلری اویولمق صورتیه یوزلرجه ، حتی بیکلرجه یکپاره قاییق اعمال ایدیوردی . بو استحضارات آوارلرک یالکنز قره دن دکل دکزدن ده استانبوله هجوم ایده جکلرینی کوستریوردی . بو قاییقلر ایجابنده سورک مختلف نقطه لرینه آوار محاربلرینی نقل ایده جکلردی .

قاییقلری قوللانلر بالخاصه اسلاولردی ؛ باشلرنده بولنان آوار ریسلری بونلره قیرباچلریله قوماندا ایدیورلردی .

آوار اردوسنک مدھش کورولتیمی استانبولک هر طرفنده دویولیوردی . دیگر جهتدن خالکهدونیاده قرارگاه قورمش اولان لایعد عجم عسکری بوغازی کچمک ایچون خیمه نشین متفقلرینک کیلرینه انتظار ایدیورلردی . استانبول اهالیسی سور اوکنده کی آوارلرله قارشو ساحلده کی ایرانیلر آراسنده تعاطی اولنان اشارت مخابره سنی هیجانله کورویورلردی . استانبولک رسم ایتدیکی مثله مقابل محاصره اردولری دیگر برمثلک وجوده کتیر مشلر و بوضورتله شرق ایمپراطورلنی پایتختنی تضییقه باشلامشلردی . ایی ترتیب و هجوم ایدلمک شرطیه بوتضییقک موفقیتله نتیجه لیمسی امید اولنه بیلیردی .

بیزانسک محصور قوتلرینه قوماندا ایدن بونوس جسارت فوق العاده سی ایله اشتهار ایتشدی . بونکله برابر وضعیتدن اودرجه قورقمشدی که صیق صیق قپولرده ویا مازغال دلیکلرنده کورونه رک خاقانی هجومدن واز کچیرمک ایچون نیازلرده بولنوردی . شهری قوتیه مدافعه ایده بیله جکندن پک امین دکلدی ؛ آوار حکمدارینک رقتنی جلب ایده رک محافظه ایتکی دوشونپوردی . لکن بورجالر مثبت بر نتیجه تأمین ایتدی .

خاقان استانبولی ضبطه موفق اولامدی؛ چونکه، اردوسی قوتلی، عدکری جسوردی،

لکن انتظامدن محرومدی . فی الواقع اون کون متوالیاً سورلره هجوم ایتدی ؛ حرب آلتلی متادیا بو سورلری طاش یا غمورینه طوتدی . بوغاز واسطه سیله ایرانیلرله التصاق پیداسنه چالیشلمسی حدسز ، حسابسز قایقلرک خلیج ساحلنه هجوملری مثبت بر نتیجه تأمین ایده مدی زیرا بو حرکات حربیه منتظم و متساند بر طرزده اداره ایدیلوردی .

بیزانسلیلرک قوه معنویه سنی یوکسلیتمک ایچون قوماندان بونوس و پطریق بر شایعه چیقاردیلر ؛ کویا ایراقلیوس پایتخته معاونت ایتک اوزره ارن ایکی بیک زرهللی محارب سوق ایتمش و بونلر استانبوله پک یقین بر موقعه کمشلردی . قورقوسندن دوناقالمش اولان سناتو و پایتخت بو خبری آلیر آلاماز بر آرز جسارت کوسترمکه باشلادی . محصورلر آتش و میخانیک قوتلردن پک بیوک بر مهارتله استفاده ایتسینی بیلدیلر . بعض موفقیتلره نائل اولملری جسارت و اعتمادلرینی تزئید ایتدی . پک سریع التاثر ، متلون بر مزاجه مالک و منطقدن زیاده آنی حسلرک تحت نفوذنده بولنان بیزانسلیلر بر آن اولکی نومیدیلرینی اونوتدیلر .

استانبول پطریق بومدافعه نک روحی مشابه سنده ایدی ؛ استانبولک حامیسی (پازون) اولان مریمی سفر بر ایتدیکنی اعلان و محصورینک قوه معنویه سنی ، ظفره اعتمادینی بوسایه ده تزئید ایتشدی .

استانبولک بوایلک محاصره سی پک بیوک بر شدتله باشلامشدی . ایراقلیوسک تاریخی بازان دراپه یرون دیورکه : « خاقان بتون وسائط حربیه سنی بر خط اوزرینه احضار ایتشدی قوج باشلرینک (Béliér) تخریباتی ، منجینقلرک آتدیغی طاشلرک سورلرده کی تأثیراتی مهمدی مدافعه صفلری سیرکاشیوردی لکن طاش یا غمورینه مدافعلر اوق یا غموریله مقابله ایدیوردی . سیره کلشن روم صفلرینی یکی محاربلر دولدیریوردی . شهره هجوم تموزک صوک کونلرنده باشلامشدی . اغستوسک برنده اطرافی معدنی لوحه لرله قاپلانمش احشاب و بویلری همان سورلر قدر یوکسک اولان اون ایکی معظم قوله یی آوارلر مولوینخانه قپوسندن طوپقپویه قدر اولان منطقه ده کی سورلرک اوکته یرلشدیردیلر . دراپه یرون بویکی وضعیتدن بحث ایدرکن دیورکه : « روم اردوسنده مستخدم معاون بر کیچی پک مخوف اولان بویکی حرب وسائطنه قارشو بسیط مع مافییه پک مؤثر بر مدافعه اصولنه مراجعت ایدلمسینی توصیه ایتدی . سورلردن قائمه سی متحرک اولان بر دیرک اوزاتهرق اوچنه مشیندن

برطوريا آصدي . بو طور به مقارنه لرله ايستمدیكي قدر يو كساتیلوب آچالتميله بیایوردی ؟
 بو صورتله سور کنارنده کی سیار قوله لرك حرکاتی تعقیب اولنیور و طور با ایچنده کی آدم
 قوله لری طوتوشدیره بیلیوردی . پك تهلكه لی اولمله برابر بو وظیفه به برچوق نامزد ظهور
 ایتشدی . هر حادثه بی معجزه لرله سوسله مك اعتیادنده اولان بطریق نیكه فوروسه نظراً
 بو قوله لر «سوره یا قلاشدیرلیدیغی زمان الهی بر قوت بونلری ده ویرمش و ایچنده کی آوارلرك
 تلف ایدلمسنى موجب اولمشدر .»

استانبولده و لاخه رنا سر اینده پایتختی هر تجاوزه قارشو محافظه ایدن بر طلمسم عداوتنان
 یوقاریده موضع بحث مریمك تصویرینی بطریق سر کیوس معیتنده برسورو ره بان و اهالی
 اولدیغی حالده سورلرده کزدیرمشدر . بیزانس ایلرك یازیلرینه نظراً آوارلر تصویر
 کورمه مك ایچون باشلرینی چویرمشدر ، بر قسمی کورو نوز تیر اندارلرك او قلیرینه قربان اولمشدر .
 محاصره اوزایوردی ؛ خاقان بوندن صبر سزلانیوردی ؛ بیزانس ایلره خبر کونده ررك
 مذاکرانده بولونمق اوزره مرخص اعزامنی طلب ایتدی . روملر اینی و مؤثر سوز سویله این
 سناتورلری ، رجال و ره بان دن متشکل بر هیئت پاتریچیوس آناستاسیوسك ریاستنده خاقان
 نزدینه کوندردیلر .

بیزانس هیئت خاقانك چادیرنده ایپکلی الیسه کینمش و آوار حکمدارینك بالخاصه
 مظهر التفاتی اولان اوچ کشی به تصادف ایتدی . بونلر آسیا ساحلنده قرارگاه قورمش
 اولان ایران اردوسنك مرخصلری ایدی . بر بیزانس وقعه نویسنه نظراً وظیفه لری :
 « اساساً قیندن چیقارلمش اولان بر قیلیجی بیله مك ، طوتوشدیرلمش بر آتشی کورو کله مك »
 ایدی .

خاقان ایرانیلری او طور تدبیری حالده ایمپراطورلق مرخصلری باشلری آچیق و آیاقده
 دوریورلردی . بایان روم مرخصلرینی تهدید ایتمکه سوزه باشلادی : « یقینده پایتختکزه
 وبتون ثروتکزه مالک اولاجم . المدن قورتولا بیلمه کنز قوشلر کی اوچه بیلمه کنزه ویا
 بالقلر کی یوزمکنزه متوقفدر ؛ ایمپراطور کنزه کووه نمیکنز ؛ ایرانه کیردیکی حقنده کی
 شایعه لر ماصالدن عبارتدر . اردوسی بیله قلمه مشدر » دیدی . روم هیئت مرخصه سی بو
 تهدیدلردن اورکشدی ؛ مع مافیه خاقانی یوموشاتمق مقصدیله مذاکرانی ادامه به چالشمشدر .
 روملرك بو وضعیت ایران مرخصلرینك حدتی موجب اولمشدی ؛ آوار حکمداری

فوق العاده قیزمشدی . مذاکرات قطع اولونمش و خاقان حدتی ائناسنده ایران اردوسنک بوغازی کچه رک کندیسنه معاونته کله جکنی افشا ایتمشدی . روملر بوکا مقابل تدارکانه کیریشدیلر . خلیجک مدخلنی محافظه ایچون برقات دهها اعتنا ایتدیلر ؛ بتون کچید یرلرینی قاپاتدیلر . دکزه حاکم اولملری اعتباریله بو ترتیبانی اخذ ایتمکده دوچار مشکلات اولدیلر .

کیجه اولونجه قارا کلقدن بالاستفاده اوچ عجم سفیری آسیا ساحنه کچمک اوزره بینمش اولدقلری قایقده یقالاندیلر . بری قایق ایچنده کلهسی اوچورولمق صورتیله قتل ایدلدی . ایکنجیسنک آللری کسپله رک خاقانک قرارگاهنه کوندردلدی ؛ اوچنجی بی آسیا ساحنه نقل ایدرک اوراده ایران اردوسنک قارشوسنده کلهسی اوچورلدی . دشمن قرارگاهنه آتدقلری باشنه شوپله برجه بی احتوا ایدن بر یافته یاپیشدیرمشلری :

« آوار خاقانی بزمله باریشمشدر ؛ مرخصلریکنزک ایکیسنک حقندن اوکلدی ؛ ایشته اوچونجینک کلهسی . »

محاصره نک صوک صفحه سی دهها فوق العاده برمنظره اراه ایتمشدر . استانبولی بهمه حال ضبط ایتک ایسته یین خاقان باشقه برچاره یه توسل ایتدی . خلیجی زورلامق روم دونماسنی تخریب ایتک ویا معطل برحاله صومق چاره لرینه مراجعت ایتدی . قایقلردن بر قسمی ایکی میل مسافه ده Chiloe قوینه نقل ایتدیردی . بو سایه ده عجملرله دواملی برارتباط تأمین ممکن اولاجقدی . روملر برچوق کمی ایله بو قایقلره هجوم ایدرک بر قسم مهمنی اغتنام ایتدیلر . بونلری قوللانان اسقلاوونلری دکزه آتدیلر . خاقان اردوسپله برابر کتیردیکی اسلاولره اولجه یازدیغمز وجهله هربری بر آغاج کوتوکندن معمول برچوق قایق اعمال ایتدیرمشدی . بو قایقلری بربرینه باغلامش و اردوسنک بیوک بر قسمی بونلره تحمیل ایدرک دیز جهندن مدافعه سی ضعیف اولان سورلره و خلیجه هجوم ایتمشدی . قره سورلرینه ده عینی زمانده هجوم اولنه جغه نظرأ روملر خیلی مشکل بر وضعیت دوشه جکلردی . بویه مختلف جههلردن یاییله جق بر هجومی قوتله رد ایدمه جکلرینی آکلایان بیزانسلیلر بر معتاد حیلله و دسیسه یه مراجعت ایتدیلر و موفق ده اولدیلر .

آوارلر هجومک ایکی جهندن متناظرأ پاپلسنی تأمین مقصدیله هجوم حرکاتی آتش یاقمق صورتیله مخابره ایدرک اداره ایلیکی قرارلاشدیرمشلردی . روملر استانبولک مختلف

لیمانلرنده کی کمیلری هیچ حس ایتدیر مکسزین سرای بورننه دوغری طویللا مشلر ترتیبات لازمه ده بولونمشلردی . حالبوکه شلومبه رژه نك اعترافه کوره روملرک حسابنه جالیشان ارمیلر یا کلش اشارتلر ویرمک صورتیله موفقیتله نتیجه لئمی پک محتمل بولنان بوهجومی تام برانه زامه قلب ایتمشلردر .

خلیجک دار قسمنده وقوعه کان قانلی بر محاربه بحریده آوارلرک بتون کمیلری احما ایدمشدر . یزنس وقعه نویسلیری بو حربدن بحث ایدرکن بوکا معجزه قیلندن بر طاقم علاوه لر اویدورمشلردر . « مریم محاربلك یایلرینی کردیکنی ، قالقانلرینی اوزاتدیغنی ، دائما هدفه اصابت ایدن اوقلر آتدیغنی ، قیلیجلری بیله دیکنی کمیلری ترس یوزینه چویردیکنی ، یازارلر .

هزیمتی متعاقب ویردیکی ضایعاته پک جانی صیقیلان خاقان محاصره یی رفع ایتمشدر . خاقان استحضاراتی اتمام ایدرک دهها مساعد بره وسمنده عودت ایتمک اوزره جکیله جکی مئادیلر واسطه سیله شهره اعلان ایتشدی . معظم آلات حربیه سنی ، پک کثیر اولان هجوم وساطتی تخریب ایدرک معیتندکی اردو ایله شماله دوغری رجعت ایتمشدر .

خاقانک رجعتی بحری بوزغونلقدن زیاده معیتنده کی یانانجی معاون قوتلرک چکیملکد آرزوسندن متولددر . رجعت بوزغون شکنده اولمه مش آوارلر کمال انتظام و هیبتله کلدیکی کبی کریه عودت ایتمشدر . بزانسلیلر آوار خاقانک اردوسی چکیلدن صرکوره کم بر چوق کونلر سورلرک خارجه چیمقدن بیله قورقمشلردر .

یوسف بهجت